

## ՀԻՄՆԱՎՈՐՈՒՄ

### «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԶԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2013 ԹՎԱԿԱՆԻ ՀՈՒԼԻՍԻ 31-Ի N 35-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԶԵՐՄՈՒԿ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ

#### 1. Իրավական ակտի անհրաժեշտությունը

«Հայաստանի Հանրապետության Վայոց ձորի մարզի Զերմուկ համայնքի ավագանու 2013 թվականի հուլիսի 31-ի N 35-Ն որոշման մեջ փոփոխություն կատարելու մասին» համայնքի ավագանու որոշման նախագծի ընդունման անհրաժեշտությունը պայմանավորված է «Աղբահանության և սանիտարական մաքրման մասին» Հայաստանի Հանրապետության օրենքում 2019 թվականի սեպտեմբերի 10-ին կատարված փոփոխություններով ու լրացումներով (համարը՝ ՀՕ-165-Ն):

#### 2. Ընթացիկ իրավիճակը և խնդիրները.

Զերմուկ համայնքում կատարվող աղբահանության ու սանիտարական մաքրման աշխատանքները իրականացվում են օրենսդրական պահանջներին համապատասխան: Համայնքի ավագանու կողմից 2013 թվականի հուլիսի 31-ի N 35-Ն որոշմամբ սահմանվել են աղբահանության վճարի դրույքաչափեր, ոլորտի հետ կապված մնացած գործառույթները, որպես նորմեր, սահմանվել են հիշյալ որոշմամբ հաստատված կարգում: Օրենքի մեջ ընթացիկ կատարվել են փոփոխություններ (21.12.2017՝ ՀՕ-289-Ն, 22.05.2018՝ ՀՕ-330-Ն, 10.09.2019, ՀՕ-165-Ն), որոնցից բխող փոփոխությունները կատարել է նաև համայնքի ավագանին՝ 2013 թվականի հուլիսի 31-ի N 35-Ն որոշման մեջ: Որոշման ներկայացվող նախագիծը արտացոլում է «Աղբահանության և սանիտարական մաքրման մասին» Հայաստանի Հանրապետության օրենքում 2019 թվականի սեպտեմբերի 10-ին կատարված փոփոխություններն ու լրացումները: Դրանք վերաբերում են աղբահանության վճար վճարող՝ ոչ բնակելի նպատակային նշանակության շենքերի և (կամ) շինությունների սեփականատերերին (օգտագործողներին): Օրենքում կատարված փոփոխությունները միտված են նվազագույնին հասցնելուն պայմանագրային կողմերի միջև ծագող տարակարծությունները, օրենքի դրույթների տարըմբռնումները: Անհրաժեշտաբար հիշյալ փոփոխություններն ու լրացումները պետք է կատարվեն նաև ավագանու կողմից հաստատված կարգում:

#### 3. Իրավական ակտի կիրառման դեպքում ակնկալվող արդյունքը.

«Հայաստանի Հանրապետության Վայոց ձորի մարզի Զերմուկ համայնքի ավագանու 2013 թվականի հուլիսի 31-ի N 35-Ն որոշման մեջ փոփոխություն կատարելու մասին» համայնքի ավագանու որոշման նախագիծը ընդունելու արդյունքում ակնկալվում է ապահովել համայնքի բյուջեի եկամուտների այն մասը, որը ձևավորվում է աղբահանության և սանիտարական մաքրման հետ կապված հարաբերությունների համատեքստում՝ օրենքով սահմանված գործողությունների դիմաց համայնքի բյուջե վճարվող պարտադիր գանձույթներից՝ աղբահանության վճարներից: Միաժամանակ, գնահատելի արդյունք կլինի տնտեսվարող սուբյեկտների հետ պայմանագրային պարտավորությունների ավելի հստակ

ծնակերպումը, ավելի որոշակի իրավահարաբերությունների հաստատումը: Հնարավոր կլինի ըստ իրավիճակի հստակ սահմանել աղբահանության վճար վճարողների պարտավորությունները:

#### **4. Իրավական ակտի նորմատիվ բնույթի հիմնավորվածությունը**

Քանի որ աղբահանության վճարը համայնքի բնակիչների և համայնքում գործող իրավաբանական անձանց կողմից աղբահանության դիմաց օրենքով և սահմանված կարգով և սահմանված դրույքաչափերի սահմաններում համայնքի ավագանու կողմից սահմանված չափով համայնքի բյուջե կամ արտաբյուջե գանձվող պարտադիր գանձույթ է, հետևաբար տեղական ավագանու տվյալ որոշման նախագիծը կրում է նորմատիվ բնույթ՝ պարունակելով վարքագծի պարտադիր կանոններ համայնքի վարչական տարածքում անորոշ թվով անձանց համար և ուղղված է կարգավորելու աղբահանության վճարների սահմանման և գանձման հետ կապված հարաբերությունները:

ՀԱՄԱՅՆՔԻ ՂԵԿԱՎԱՐ



Վ. ՀՈՎՀԱՆՆԻՍՅԱՆ

ՏԵՂԵԿԱՆՔ

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԶԵՐՄՈՒԿ ՀԱՄԱՅՆՔԻ ԱՎԱԳԱՆՈՒ 2013 ԹՎԱԿԱՆԻ ՀՈՒԼԻՍԻ 31-Ի N 35-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԶԵՐՄՈՒԿ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ**

«Հայաստանի Հանրապետության Վայոց ձորի մարզի Զերմուկ համայնքի ավագանու 2013 թվականի հուլիսի 31-ի N 35-Ն որոշման մեջ փոփոխություն կատարելու մասին» համայնքի ավագանու որոշման նախագծի ընդունման կապակցությամբ այլ իրավական ակտեր ընդունելու անհրաժեշտություն չկա:

ՀԱՄԱՅՆՔԻ ՂԵԿԱՎԱՐ



Վ. ՀՈՎՀԱՆՆԻՍՅԱՆ

